



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Annvs Diervm Memorabilivm Societatis Iesv. Sive  
Commentarius quotidianae virtutis, notabilem vnius, vel  
plurium in Societate vitâ functorum, virtute quapiam  
insignium memoriam in menses diesque ...**

**Nádasi, János**

**Antverpiae, 1665**

III. Die Ivnii.

**urn:nbn:de:hbz:466:1-9625**

## III. DIE IVNII.

P. P E T R V S  
V R A G O N I T I U S .Croata Za-  
gabri. 3.  
Iunij, 1617.Ch. istus.  
27.

Operarium.

**H**ic nobilis, tunc adhuc adoles-  
cens, nomen in Societatem de-  
derat, cum ex insidijs in capite  
fuste vulneratus, & ad extrema reda-  
ctus, clarâ luce Christum specie resur-  
gentis, & cum eo Beatissimam Virgi-  
nem vidisse dicitur audiuisseque hanc  
dicentem. Quid huic, an id, quod pe-  
tit faciemus? Respondit Matri Chri-  
stus: sine, mater, modicum opus est,  
ut laboret. Et confestim consanuit, per  
30. annos per Vngariam, & Croatiam  
eximius in omni munere cathedræ,  
Pulpiti, ac reliquis officijs. Vnus hic  
fuit è duobus, qui Societatem in  
Croatiam induxere.

P. Q V I N T I N V S  
C O V S I N .Belga in  
Goano Iri-  
dere. 9.  
Iunij 1618.

Mort.

**P**ietate, modestiâ, studio animarum  
fuit insignis cum viueret: moriens  
agebat gratias Deo, & optabat breue,  
quod reliquum erat temporis, patien-  
do transigere. Is, qui adfuit morienti  
scribit, illum in ipso mortis, ac vitæ  
vestibulo in hæc verba sensu magno  
identidem prorupisse: *Arcta via, qua*

*ducit ad Cælum, arctior, arctissima.* Ter-  
rorem hæc incussere; ac lacrymas ex-  
cussere non paucis, ira illa repetebat,  
ita suo metu omnes erudiebat. Mox  
oculis in cælum sublatis, & iunctis  
manibus paratè conqueuit in suauem  
mortem admirandæ virtutis cogno-  
mento vulgo laudatus, *Mort.*

P. F R A N C I S C V S  
D E M E N D O Z A .

**N**obilitate, ingenio, pietate inter  
paucos illustris, Domi cunctus  
tenebatur, ne ad Societatis tyroci-  
nium proficisci posset, quod urgebat,  
per fenestram ausus est sese dimittere  
ita euolauit, Orator, Philosophus,  
diuinæ Scripturæ Doctor, Ecclesia-  
stes, Superior, scriptor ac religiosus  
talis, ut Præpositus Generalis illum  
in his omnibus dixerit virum nume-  
ris omnibus absolutum. Honoris mi-  
rum in modum fugitans, nunquam  
de vlllo mortalium non honorificè lo-  
cutus est. Ad Regulas ita vigil, ut nul-  
lus illum vllius legis laxatæ reum vn-  
quam aduerterit. Summum laborem  
coniunxit cum summo ingenio. Pran-  
dium illi tenue; cœna vix vlla; quo-  
tidiana sui verberatio, Concio num-  
quam sine cilicio. His ille actibus vir-  
ginitatis perpetuæ decus feliciter cu-  
stodiuit.

Lufitanus  
Lugduni.  
Iunij 1616.  
ætat 31.  
Soc. 19.  
Vocatus.

Regulæ;

Concionis  
Mortificæ.

IV. DIE